



Hans Enoksen, Inatsisartunut ilaasortaq  
Naleraq  
[inatsisartut@ina.alla.gl](mailto:inatsisartut@ina.alla.gl)

## Royal Arctic Line A/S aamma KNI A/S pillugit § 37 naapertorlugu apeqquteqaammut 2021-104-mut akissut

29-08-2024  
Suliaq nr.: 2024-12501  
ID nr.: 92723739

Asasara Hans Enoksen

Inatsisartut suleriaasianni § 37 naapertorlugu Royal Arctic Line A/S og KNI A/S pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: [box909@nanoq.gl](mailto:box909@nanoq.gl)  
[www.naalakkersuisut.gl](http://www.naalakkersuisut.gl)

### Apeqqut 1: Tusagassiorfitsigut tusarparput Royal Arctic Line A/S illuutiminik tuniniaaniartoq. Illut sumiittut tuniniarneqarpat sunalu tunngavigalugit illunik tuniniaanissaq toqqarneqarpa?

Akissut: § 37 naapertorlugu apeqquteqaatinut akissuteqarnermi atugassatut Royal Arctic Line A/S akissuteqaateqartinneqarpoq, tassangaanniillu ilisimatitsissutigineqarpoq:

*"Royal Arctic Line-p pigisani nalillit tulleriarlugit misissuiffigisarpai, pigisallu nalillit suliasap pingaarnep - Kalaallit Nunaata pilersorneqarnerata - isumagineqarneranut iluaqutaajunnaartut tuniniarneqarnissaat siunnerfigisarpaa. Taamaattumik 2023-mi ingerlatseqatigiiffiup quersuaatini (B-1615 [Nuummij]) tuniniagassanngortippaa. Quersuaq umiarsualivitoqqamiippoq, aammalu Royal Arctic Line-mit atorneqarunnaarsimalluni. Tamatuma saniatigut ingerlatseqatigiiffiup illut ineqarfiit atorunnaarsimappata tuniniartarpai."*

Paasissutissiissutigisinnaavara, B-1615 Nuummi atlantkajikumiiimmat.

### Apeqqut 2: Royal Arctic Line A/S qassinik aqqi ilanngullugit umiarsuaateqarpa?

Akissut: § 37 naapertorlugu apeqquteqaatinut akissuteqarnermi atugassatut Royal Arctic Line A/S akissuteqaateqartinneqarpoq, tassangaanniillu ima akissuteqartoqarpoq:

*"Royal Arctic Line umiarsuarnik katillugit qulingiluanik pigisaqarpoq:*

*Tukuma Arctica  
Malik Arctica  
Irena Arctica  
Ivālu Arctica  
Minik Arctica*

*Siuana Arctica  
Maleraq Arctica  
Arpaarti Arctica  
Tilioq Arctica*

*Ingerlatseqatigiiffiutaata Arctic Umiaq Line-p umiarsuaq ilaasartaat Sarfaq  
Ittuk pigisaraa.”*

**Apeqquut 3. Royal Arctic Line A/S qassinik aqqi ilanngullugit umiarsuarnik  
attartugaqarpa?**

Akissut: § 37 naapertorlugu apeqquteqaatinut akissuteqarnermi atugassatut Royal  
Arctic Line A/S akissuteqaateqartinneqarpoq, tassanngaanniillu  
ilisimatitsissutigineqarpoq:

*”Royal Arctic Line-p umiarsuaq Silver Mary ukiumut ulluni 180-ini  
attartortarpa. Tamatuma saniatigut ingerlatseqatigiiffiup Vessel Sharing  
Agreement (VSA) tunngavigalugu islandimiut umiarsuaatileqatigiiffiat  
Eimskip suleqatigaa, suleqatigiinnermullu ingerlatseqatigiiffiup  
nammineerluni umiarsuaataa Tukuma Arctica, kiisalu Eimskip-ip  
immikkoortortaata umiarsuaatai Brúarfoss aamma Dettifoss  
ilaatinneqarput.”*

**Apeqquut 4. Royal Arctic Line A/S umiarsuaatiminik tunisaqarnikuua?  
Apeqquut 4A. Tunisaqarsimaguni qanga tunisaqarnikuuppat tunisallu aqqi  
ilanngullugit qassiuppat?**

Akissut: § 37 naapertorlugu apeqquteqaatinut akissuteqarnermi atugassatut Royal  
Arctic Line A/S akissuteqaateqartinneqarpoq, tassanngaanniillu  
ilisimatitsissutigineqarpoq:

*”Tunisinermi kingullermi Mary Arctica 2023-mi tunineqarpoq.”*

Umiarsuarnik, ingerlatanillu allanik tunisinerit Royal Arctic Linemit  
aalajangerneqartarput.

**Apeqquut 5. Aningaasarsiornikkut ingerlanerlunneq malunnarsiartuinnarpat usinik  
assartuinermi akinik qaffaasoqarniarpa?**

Akissut: § 37 naapertorlugu apeqquteqaatinut akissuteqarnermi atugassatut Royal  
Arctic Line A/S akissuteqaateqartinneqarpoq, tassanngaanniillu  
ilisimatitsissutigineqarpoq:

*”Royal Arctic Line A/S-ip sulianut pingaarnemut aningaasartuutit  
appasitsinniarlugit, taamaalillunilu nassiussanut akit  
allanngorartinniarnagit ingerlatsinermik pitsanngorsaajuarnissaq  
sulissutigaa. Naalakkersuisut angalanissanut pilersaarutinut,  
nassiussinermullu akit qaffanneqassappata qaffaanissamut  
akuersisartuupput. Naalakkersuisut nassiussinermut akit  
qaffanneqarnissaannik aalajangiisussaattillugit, tamanna Royal Arctic Line-*

*p qanittumik oqaloqatigereerneratigut pisarpoq, tamatumunngalu pisariaqartitsineq apeqqutaasarpoq.”*

**Apeqqut 5A. Qaffaasoqarniarpat qanoq annertutigisunik qaffaasoqassava?**

Akissut: Inussiarnersumik apeqqut 5-imut akissut takoqquneqarpoq.

**Apeqqut 6. Targat qassit Pilersuisumik pigineqarpat?**

Akissut: § 37 naapertorlugu apeqquteqaatinut akissuteqarnermi atugassatut Naalakkersuisut Siulittaasuata Naalakkersuisoqarfia ilisimatitsivoq, KNI A/S akissuteqaateqartinneqartoq, tassanngaanniillu ilisimatitsissutigineqarpoq:

*”KNI A/S Targanik pingasunik ingerlataqarpoq. KNI A/S-ip maannarpiaq sisamat pigai, kisiannili ataaseq angallatinik nalinginnaasumik taarsersuineranut atatillugu tuniniarpaa.*

**Apeqqut 6A. Pisiarineqarnerminni qanoq akeqarpat?**

Akissut: § 37 naapertorlugu apeqquteqaatinut akissuteqarnermi atugassatut Naalakkersuisut Siulittaasuata Naalakkersuisoqarfia ilisimatitsivoq, KNI A/S akissuteqaateqartinneqartoq, tassanngaanniillu ilisimatitsissutigineqarpoq:

*”KNI A/S ilisimatitsivoq, peqquteqarluni pisineranut akisuunik taama ersaritsigisumik tamanut ammasumik saqqummiussisinnaanani, tamanna KNI A/S-ip aamma angallatinik Targanik atortuinillu pisiniarnerit pilersuisuusut, KNI A/S-imit suleqatigineqartut akornanni tamanna susassarineqarmat.”*

**Apeqqut 7. Targat ukiut kingullit tallimat ajutoortartut iluarsaattarnerinut aningaasat qanoq annertutigisut aningaasartuutigineqartarpat?**

Akissut: Inussiarnersumik apeqqut 6A-mut akissut takoqquneqarpoq.

**Apeqqut 8. Pilersuisup naatsorsuutaasa eqqunngitsumik sinneqartoortuusaarlutik saqqummiussisaqattaarnerat nunaqarfinni pisisartunut qanoq naleqarpa?**

Akissut: § 37 naapertorlugu apeqquteqaatinut akissuteqarnermi atugassatut Naalakkersuisut Siulittaasuata Naalakkersuisoqarfia ilisimatitsivoq, KNI A/S akissuteqaateqartinneqartoq, tassanngaanniillu ilisimatitsissutigineqarpoq:

*”KNI A/S-ip ukiuni arlalinni angusaat saqqummiunneqartartut piviusuusaartinneqartarsimmata ilumoorpoq. 2021-mi kukkunersuisoqarfiit Deloitte aamma PwC ikiortigalugit suliassaqarfimmi pissutsit misissoqqissaarneqarput. Misissuinerne inerniliissutigineqarpoq, piviusuusaartitsinerit kingunerisaanik KNI-p aningaasanut karsianiit aningaasanik atoriaannarnik tammartoqarsimangitsoq.”*


**Apeqquut 8A. Aningaasallu annaaneqarsimasut matussuserniarneqarnerannut nunaqarfinni pisisartunut tutsinneqassappat?**

Akissut: § 37 naapertorlugu apeqquteqaatinut akissuteqarnermi atugassatut Naalakkersuisut Siulittaasuata Naalakkersuisoqarfia akissuteqaateqartinneqartoq, tassanngaanniillu ilisimatitsissutigineqarpoq:

*"Pilersuisoq annaasaqarfigineqanngilaq, tamatumunngalu atatillugu nunaqarfinni atuisut annaasanut matussusiisussaannngillat."*

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen